

Waray
Edition

R.A. 9208

The Anti-Trafficking in Persons Act of 2003



Ini nga barasahon naitipublikar ha pananlingkamot han United States Agency for International Development (USAID) ha ilarom han mga termino han Grant No. AID-492-G-00-02-00022-00. An mga panhulagway nga nakapatik denhi in ha kanan mga tagsurat la ngan pwede diri pumareho han panan-aw han Solidarity Center at USAID.

This publication was made possible through the support provided by the United States Agency for International Development (USAID), under the terms of Grant No. AID-492-G-00-02-00022-00. The opinions expressed herein are those of the authors and do not necessarily reflect the views of the Solidarity Center and the USAID.

Editing, design, lay-out and printing by YC Publication Consultants
mobile: (0920) 924 3537 email: ycpub@yahoo.com

Ano iton *Trafficking* hin Tawo?

An pangunguha, panhahakot, pagtatago o pagbabaligya hin tawo ha sulod man o tipagawas hit nasud para abusuhon ha ira panginabuhi in ginkukunsidera nga *trafficking* hin tawo. An mga biktima hin *trafficking* in ginpupuwersa nga mapasulod ha prostitusyon, kapiritan nga pagtatrabaho ha panimalay o mga pabrika ngan iba pa nga pan-uripon nga trabaho.

An mga *traffickers* in nagamit hin iba-iba nga taktika hin pamimirit sugad hin pangunguwat, panlimlimbong, panhahadlok, pantatarhog, paggamit hin pisikal nga puwersa, o pan-gigipit ha utang para makontrol it ira mga biktima.

Ha mga aktibidades nga ginkukunsidera nga internasyonal nga krimen, an *trafficking* hin tawo para ha prostitusyon o kapiritan nga pagpapatrabaho in usa ha mga pinakamadagmit dumamo, ngan ha pagkayana, in ginkukunsidera nga ikatulo nga pinakadako nga gintitikangan hit delihensya hit mga sindikato ha kita nga 7-12 bilyones dolares kada tuig.

Milyones katawo kada tuig ha iba-iba nga parte han kalibutan in nabibiktima hit mga sindikato ngan grupo kriminal pinaagi hit *trafficking*. Kasagaran han mga biktima in natikang ha rehiyon han Asya.

Kadam-an hit mga biktima hit *trafficking* in mga kababayin-an ngan kabataan. Ginkukuha ini hira pinaagi hin mga saad hin mag-upay nga trabaho ha iba nga probinsya o langyaw nga labnasan, pero ha prostitusyon ngan pagkauripon ini hira nahihingadto.

Kadam-an nga mga nasod in nag-iimposar hin mga magbug-at nga mga penalidad para ha *trafficking* hin droga ngan mga armas de fuego, samtang an *trafficking* hin tawo in may ada la magaan nga penalidad. Idugang pa hini an kamatuuran nga waray pa ahensya nga may kalabutan ha *mail order marriages* in nasentinsyahan na, ha luyo han nagtitikahitaas nga insidente hini nga krimen.



An Pilipinas in may ada balaod ala- kontra han *Trafficking* hin Tawo: an Anti-Trafficking in Persons Act of 2003.

An *Republic Act No. 9208*, o *Anti-Trafficking in Persons Act of 2003*, an bag-o nga balaod nga ipinasa han Kongreso nga nagbutang han mga palisiya para mapugngan an *trafficking* hin tawo. Ini nga balaod in nagtindog gihapon han mga kinahanglanon nga pan-institusyon nga mga mekanismo para maproteheran ngan masupurtahan an mga biktima hin *trafficking*, ilabina an mga kababayin-an ngan kabataan. An RA 9208 in nag-iimposar gihapon hin mga sadang nga penalidad para hit mga masupak hini.



May ada mga partikular nga mga elemento an *Trafficking* hin Tawo.

Ha ilarum han Anti-Trafficking in Persons Act of 2003, an mga masunod amo an mga elemento han *trafficking* hin tawo:

- a. Pangunguha, panhahakot, pagtatago o pagkarawat hin tawo;
- b. Pangunguha, panhahakot, pagtatago o pagkarawat hin tawo, mamay ada man o waray niya permiso;
- c. Pangunguha, panhahakot, pagtatago o pagkarawat hin tawo ha sulod o tipagawas hit nasud;
- d. Panhahadlok hit mga biktima o paggamit hin kusog o iba pa nga klase hin pamimirit; pagkuha, panlilimbong, pangunguwat, pag-abuso hit gahum o posisyon; paghatag o pagkarawat hin bayad o mga benepisyo para makuha it permiso hin usa nga tawo nga may ada gahum para pugngan it iba nga tawo;
- e. Pangunguha, panhahakot, pagtatago o pagkarawat hin tawo para abusuhon sugad hin sekswal nga pag-abuso o puwersahan nga pagpapatrabaho o paghatag hin serbisyo, panngunguripon o iba pa nga aktibidades nga kapareho hit panngunguripon, ngan pagpapatangtang o pagbabaligya hit mga parte hin lawas o iba pa nga kapareho nga mga buruhaton.



May ada tulo nga klase
it Trafficking hin Tawo.

An Anti-Trafficking in Persons Act of 2003 in nag-iimposar
hin mga penalidad para han mga masunod nga klase hin
trafficking:

- a. Mga buhat pan-*trafficking* hin tawo;
- b. Mga buhat nga nag-uugsod para makagbuhat hin
trafficking hin tawo; ngan
- c. *Qualified trafficking* hin tawo.



Magkaiba an *Trafficking* hin Tawo
ngan *Smuggling* hin Tawo.

<i>Trafficking hin Tawo</i>	<i>Smuggling hin Tawo</i>
Kaurugan may ada pamimirit	Kaurugan waray pamimirit
Nahahangadto hit pan-aabuso pagkatapos maisulod ha iba nga nasud an biktima ha ilegal nga paagi	May ada upod nga pagkarawat hin bayad para mapadali an ilegal nga pagsulod hit tawo ha iba nga nasud
Iginkukonsidera nga isyu parte katungod pantawo	Iginkukonsidera nga isyu mahitungod hit <i>migration</i>

Ano nga mga buhat an iginkukonsidera nga *Trafficking* hin Tawo?

- a. Pangunguha, panhahakot, pagbabalhin, pagtatago, paghatag o pagkarawat hin tawo ha anuman nga paagi para maisulod ha prostitusyon, pornograpiya, sekswal nga pan-aabuso, kapiritan nga pagpapatrabaho o paghatag hin serbisyo, pagkauripon o pan-gigipit ha utang;
- b. Pagpapakilala hin hin-o man nga Pilipina ha taga-iba nga nasud para magin asawa o *prostitute* kabalyo hin kuwarta o iba pa nga kabayaran;
- c. Pagpresentar hin kasal o pagpapakasal para makakuha, makapalit, makabaligya o makipagbalyo hin tawo para maisulod ha prostitusyon o iba pa nga klase hin *exploitation*;
- d. Pagbuhat o pag-organisar hin mga programa nga may kalabutan hit panturismo nga pagbibiyahe o pamamasyada para makagamit o makapagpresentar hin tawo para prostitusyon, pornograpiya o sekswal nga pan-aabuso;
- e. Pagmentinar o pagbabayad hin tawo para prostitusyon o pornograpiya;
- f. Pag-aampon o pagpapadali hit pag-aampon para prostitusyon, pornograpiya, sekswal nga pan-abuso, kapiritan nga pagpapatrabaho o paghatag hin serbisyo, pagka-uripon, o pan-gigipit ha utang;
- g. Pangunguha, pag-eempleyo, pag-aampon, panhahakot o pagsikmit hin tawo pinaagi hin pagtarhog o paggamit hin kusog, panlilimbong, panngunguwat, panmumuwersa, pamimirit o panhahadlok para makapagpatangtang o makapagbaligya hin mga parte hin lawas hin tawo;
- h. Pangunguha, panhahakot, o pag-ampon hin bata para pabuligon ha armado nga pakikiaway dinhi ha Pilipinas o iba nga nasod;

* Igindidiri an paggamit o pagpalit hit serbisyo hit mga biktima hin *trafficking*.



Ano nga mga buhat an iginkukonsidera nga nag-uugsod para makagbuhat hin *Trafficking* hin Tawo?

- a. Tinuyo nga pagpaparenta o pagpaparenta hin utro hit mga propiedad para magamit ha *trafficking* hin tawo;
- b. Paghimo, pagpapaimprenta, pagpapagawas, o pagdistribuir hin mga diri pa naipapagawas, *tampered*, o peke nga counselling certificates, registration cards ngan iba pa nga pampamatuod nga mga dokumento nga ginagamit hit gobyerno nga reglamento ha paggawas han nasod para mag-ugsod pagbuhat hin *trafficking* hin tawo;
- c. Pagpapaanunsiyo, pagpapapublisar, pagpapaimprenta, pagpapabrodkast o pagdidistribuir, ha anuman nga paagi, hin bisan ano nga *brochure*, *flyer* o iba pa nga mga kagamitan panpropaganda nga nag-uugsod pagbuhat hin *trafficking* hin tawo;
- d. Pag-asistir ha panlilimbong o panngunguwat para mapadali an pagkuha hin mga clearances o exit documents para mag-ugsod pagbuhat hin *trafficking* hin tawo;
- e. Pagpapadali o pagbulig ha paggawas o pagsulod tikang / tipakadto ha usa nga nasod ha internasyonal o lokal nga mga *airports*, *territorial boundaries*, ngan *seaports* hin mga tawo nga nagdadara hin mga diri pa naipapagawas, *tampered*, o peke nga mga dokumento nga panbiyahe para mag-ugsod pagbuhat hin *trafficking* hin tawo;
- f. Pagkumpiska, pagtago o pagruba hit pasaporte, dokumento nga panbiyahe o mga gamit hin tawo nga biktima hin *trafficking*, o pagpugong ha ira nga lumakat han nasod o mangaro hin tambulig ha gobyerno ngan iba pa nga sadang daupan nga mga ahensya; o
- g. Pagkarawat hin benipisyo, pinansyal man o iba nga klase, tikang ha o paggamit hit panginabuhi hin usa nga tawo nga aada ha kapiritan nga pagpapatrabaho o paghatag hin serbisyo, o pagkauripon.



Ano nga mga buhat an iginkukonsidera nga *Qualified Trafficking* hin Tawo?

An *qualified trafficking* hin tawo in nabubuhay kun:

- a. An tawo nga biktima han trafficking in may edad nga ubos 18 anyos;
- b. Ginbuhat an pag-ampon ha ilarum han Inter-Country Adoption Law ngan an pag-ampon in para ha prostitusyon, pornograpiya, sekswal nga pan-aabuso, kapiritan nga pagpapatrabaho o paghatag hin serbisyo, pannunguripon, o pan-gigipit hin utang;
- c. An trafficking in ginbuhat hin usa nga sindikato o ginbuhat ha damo nga tawo;
- d. An may sala in mas magurang nga urupod, kag-anak, bugto, tagapagmangno, o tawo nga may ada awtoridad ha biktima, o kun an trafficking in ginbuhat hin usa nga opisyal o empleyado han gobyerno;
- e. An biktima han trafficking in ginkuha nga magin prostitute para ha mga miyembro han militar o pulisiya;
- f. An may sala in miyembro han militar, pulisiya o iba pa nga ahensiya nga tagapagpasunod hit balaod; o
- g. An biktima in namatay, nagkamay-ada diperensya ha iya panhunahuna, nautdan / nawarayan hin parte ha iya lawas o nagkasakit hin HIV o AIDS mahitungod han o samtang binubuhay an *trafficking*.



Hin-o an may kriminal nga baratunon ha *Trafficking* hin Tawo?

Bisan hin-o nga tawo, natural man o huridikal, nga magbuhat hin anuman nga krimen ha ilarum han RA 9208 in puede mahatagan hin penalidad ha kaso nga *trafficking* hin tawo. Kun an may sala in usa nga korporasyon, asosasyon, negosyo, establisimyento o anuman nga klase hin tawo-huridikal, an penalidad in ig-iimposar ha tag-iha, presidente, kasosyo, tagapagmangno ngan / o hin-o man nga nagmamangulo o responsable nga opisyal nga may kalabutan han pagbuhat han krimen, naghatag hin permiso o waray ginhimo para mapugngan ini.

Tubtub san-o puede makapagpasaka hin kaso nga *Trafficking* hin Tawo?

Puede makapagpasaka hin kaso ala-kontra trafficking hin tawo tubtub 10 ka tuig tikang han adlaw nga nahinabo an krimen. An tinatawag nga “prescriptive period” in gin-iihap tikang han adlaw nga an biktima in makagawas dida han iya pagkauripon.



Ano an mga penalidad para ha *Trafficking* hin Tawo?

<i>Buhat</i>	<i>Penalidad</i>
<i>Qualified Trafficking</i> hin Tawo	Pagkapreso ha bug-os nga kinabuhi ngan multa tikang P2 milyones tubtub P5 milyones
Aktwal nga <i>Trafficking</i> hin Tawo	20 ka tuig nga pagkapreso nga multa tikang P1 milyones tubtub P2 milyones
Pag-ugsod pagbuhat hin <i>Trafficking</i> hin Tawo	15 ka tuig nga pagkapreso ngan multa nga tikang P500,000 tubtub P1 milyones
Paggamit hin Tawo nga Iginsulod ha Prostitusyon	<i>Siyahan nga Pakasala:</i> 6 ka bulan nga pagseserbisyo ha comunidad ngan multa nga P50,000 <i>Mga masunod nga Pakasala:</i> 1 ka tuig nga pagkapreso ngan multa nga P100,000



Hain puede magpasaka hin kaso nga *Trafficking* hin Tawo?

An mga kaso ala-kontra *trafficking* hin tawo in puede maipasaka ha mga lugar kun diin:

- a. Iginbuhat an *trafficking* hin tawo;
- b. Nahinabo an anuman nga mga elemento han *trafficking* hin tawo;
- c. Naukoy an biktima pagbuhata han krimen.



Hin-o an puede magpasaka hin kaso nga *Trafficking* hin Tawo?

An puede magpasaka hin kaso ala-kontra *trafficking* hin tawo amo an masunod:

- a. An tawo nga biktima han *trafficking*;
- b. Mga tawo nga may- ada relasyon ha biktima han *trafficking*:
 1. mga kag-anak;
 2. asawa;
 3. mga kabugtuan;
 4. mga anak;
 5. legal nga tagapagmangno; o
- c. Hin-o man nga may ada personal nga kinaadman mahitungod han krimen.



Ano an mahihinabo ha mga kagamitan ngan / o kinita han mga *traffickers*?


Igmamando hit korte nga kumpiskahon ngan kuhaon para ha gobyerno an ngatanan nga kuwarta nga kinita ngan mga kagamitan nga tikang o ginamit ha pagbuhat han krimen.



Puwede ba mahatagan hin penalidad it mga biktima hin *Trafficking* hin Tawo?

An mga tawo nga inabuso pinaagi hin *trafficking* in ginkikilala hit balaod nga mga biktima hini nga krimen ngan diri ini hira matatagan hin penalidad nga may kalabutan han pagbuhat hin *trafficking* o pagsunod han mga mando han *traffickers*. Diri importante kun tumugot man o diri an biktima.

Ano an proseso han pagpasaka hin kaso ala-kontra *Trafficking* hin Tawo?



Ano an mahihinabo hit mga Pilipino nga biktima hit *trafficking* nga aadto ha iba nga nasod?

Igbabalik ha Pilipinas an mga biktima hin *trafficking* ha iba nga nasod, documentado man hira o diri. An DFA amo an ahensya nga responsable ha pagpapabalik ha Pilipinas hit mga biktima.

Pero kun an pagpapabalik han mga biktima dinhi ha Pilipinas in magbubutang ha ira ha mas dako pa nga peligro, an DFA in makikipagnegosyar ha gobyerno han nasod kun diin naukoy an biktima agud mahatagan hira hin sadang nga proteksyon ngan hin permiso nga ipadayon an ira pagukoy didto.



Ano an mga ahensya han gobyerno nga ginmanduan pagpasunod han Anti-Trafficking in Persons Act of 2003?

An Inter-Agency Council Against *Trafficking* (IACAT), kaupod an iba pa nga mga may kalabutan nga ahensya han gobyerno, amo an ginmanduan para magpasunod han RA 9208. An IAC in ginkokomponer han mga masunod:

- § Department of Justice, *kumo Chair*
- § Department of Social Welfare and Development (DSWD), *kumo Co-Chair*
- § Department of Foreign Affairs (DFA)
- § Department of Labor and Employment (DOLE)
- § Philippine Overseas Employment Administration (POEA)
- § Bureau of Immigration (BI)
- § Philippine National Police (PNP)
- § National Commission on the Role of Filipino Women (NCRFW)

Mga NGOs ha Inter-Agency Council kontra *Trafficking*.

Tulo nga representante tikang ha mga NGO, ginkokomponer hin tag-usa nga representante tikang ha mga sektor han kababayin-an, kabataan ngan OFW, an malingkod ngan magpartisipar ha IACAT. An mga representante in pipilion han mga ahensya han gobyerno nga miyembro han IACAT ngan igbubutang ha puwesto hit Presidente han Pilipinas. Magseserbe ini hira ha sulod hin tulo ka tuig. Mabulig ini nga mga taga-NGO ha pagpugong hit *trafficking* hin tawo, pagmamangno ha mga biktima ngan pagpabalik ha ira ngada hin maupay nga kinabuhi ha sosyodad, ngan ha pagdakop ngan pagpapapreso hit mga *traffickers*.



Ano it bubuhaton hit DILG?

- § Magkamay-ada hin kampanya nga maghahatag hin kinaadman o impormasyon ala-kontra *trafficking* hin tawo;
- § Magbantay, maghimo hin dokumentaryo ngan magmintinar hin databank ha mga kaso hin *trafficking*;
- § Maggiya ha mga LGU ngan barangay ha pagbantay hin mga tawo nga nangunguha hin mabibiktima, ngan ha pagpapahataas hit kinaadman hit publiko mahitungod hit *trafficking* hin tawo;
- § Magpakusog hit kapasidad hiton pamilya ngan komunidad pagpugong hit *trafficking* hin tawo; ngan
- § Gamiton an mga igintindog nga mga mekanismo ngan organisasyon para mapugngan it *trafficking* hin tawo.

Ano it bubuhaton hit mga LGUs?

- § Magpasarang hin impormasyon mahitungod hit *trafficking* hin tawo;
- § Magbantay ngan maghimo hin dokumentaryo hit mga kaso hin *trafficking* hin tawo;
- § Magkansela hit mga lisensya hit mga nasupak nga mga establisimyento;
- § Makigkoordinar hit iba pa nga mga ahensya para hit paghimo hin mga kampanya nga maghahatag hin impormasyon mahitungod hit *trafficking*;
- § Maghatag hin suporta ha mga paggios ala-kontra *trafficking* nga gintikangan han komunidad;
- § Maghatag hin mga kinahanglanon nga serbisyo pankomunidad ha mga biktima hin *trafficking*;
- § Magpasa hin mga lokal nga ordinansa nga magpupugong hit *trafficking* ngan maghahatag hin proteksyon ha mga biktima; ngan
- § Gamiton an mga igintindog nga mga mekanismo ngan organisasyon para mapugngan it *trafficking* hin tawo.

Ano nga mga programa in
igintindog para ha mga biktima
han *Trafficking* hin Tawo?

<i>Programa han Gobyerno mahisunod han Balaod ala-kontra Trafficking hin Tawo</i>	<i>Taga-implementar nga Ahensya</i>
Epektibo nga prosekusyon hit mga kaso hin <i>trafficking</i>	DOJ, POEA, LGUs
Programa pagpabalik ha sosyodad ngan rehabilitasyon nga magrerresulta hin mga aktibidades nga <i>gender responsive</i> ngan ala-kontra <i>trafficking</i>	DSWD, OWWA, CHED, DepEd
Paghatag hin sagdon ngan temporaryo nga mauukyan para ha mga biktima hit <i>trafficking</i> hin tawo	DSWD, OWWA
Pagbulig ha mga paggios ngan mga kasarabutan kontra <i>trafficking</i> , proteksyon hiton integridad hit pasaporte han Pilipinas	DFA, NCRFW, CFO, BI
Paghatag hin mga sagdon ha mga OFW o Pilipina nga kunsoylo o asawa hin taga-iba nga nasod, ugsa hira mag-asawa o lumakat ha Pilipinas	DFA, OWWA, CFO
Pagbuhat hin komprehensibo nga mga programa pankomunidad nga magtututdo, magkakampanya ngan maghahatag hin impormasyon kontra <i>trafficking</i> hin tawo	POEA, NCRFW, BI, DILG, LGUs, CHR, PIA, OWWA, CFO, DOT
Pagbantay ngan pagkamay-ada hin dokumentaryo hit mga kaso hin <i>trafficking</i>	DILG, LGUs, DOLE, OWWA, DOTC
Pagtindog hin database para ha pagpapasunod hit balaod ngan prosekusyon hit mga <i>traffickers</i>	DILG, LGUs, POEA, PCTC
Libre nga bulig ngan serbisyo-legal	DOJ, DSWD, POEA, CHR, IBP
Serbisyo-medikal, <i>psychosocial</i> ngan temporaryo nga mauukyan	DSWD, DOH
<i>Training</i> para panginabuhì, edukasyon, pagnenegosyo ngan pagpapakusog hit kapasidad	DSWD, OWWA, TESDA, DepEd
Bulig ha pagpapaeskuwela hit mga bata nga biktima hin <i>trafficking</i>	DSWD, OWWA, DepEd
Sistema ha paghaon hin reklamo, pag-iimbestiga ngan pagdakop hit may sala	PNP, BI, NBI, CHR
Pagbutang hin mga mensahe parte <i>migration</i> ngan <i>trafficking</i> ha mga leksyon ha elementarya ngan hayskul	DepEd
Pagtindog hin mga paggios ha barangay kontra <i>trafficking</i> hin tawo ngan pagbabantay hiton pagpapasunod hit gobyerno ha mga <i>international treaties</i> parte mga katungod pantawo	CHR
Pag-ugsod, pagbantay ngan pagtindog hin mga pamaagi ngan paghimo hin mga palisiya mahitungod hit <i>trafficking</i> hin mga bata	CWC
Pagpugong ngan pagbabantay hit <i>trafficking</i> nga may ada dimensyon nga krimen pantransnasyonal, ngan pakikigkoordinar ha mga ahensya-internasyonal nga nagpapasunod hit balaod	PCTC, NBI
Pagbantay hin mga aktibidades ha internet nga may ada kalabutan hit <i>trafficking</i>	DOTC, DTI

Trafficking/Smuggling Agianan ngan Destinasyon



Para hin dugang nga impormasyon, alayon pagkontak:



COMMISSION ON FILIPINOS OVERSEAS
Citigold Centre, 1345 Quirino Avenue corner
South Superhighway, Manila 1007
TN: (632) 561 8321 local 600-603
FN: (632) 561 8332
Email: cfodfa@info.com.ph
Website: www.cfo.gov.ph



TUCP/Solidarity Center/USAID
Anti-Trafficking Project
2F, TUCP Building, Masaya and Maharlika Streets
Diliman, Quezon City, Metro Manila 1101
TN: (632) 433 9440
FN: (632) 921 9758
Email: secretariat@trafficking.org.ph
Website: www.trafficking.org.ph



Datos ngan Estatistika mahitungod hit *Trafficking* hin Tawo ngan *Smuggling* hin Tawo

- § Hadton Disyembre 2002, may ada maabot 7.41 milyones nga mga Pilipino an nangungukoy ngan nagtatrabaho ha langyaw nga labnasan.
- § 1.62 milyones ha ira in mga iregular nga migrante ngan ginsususpetsahan nga mga biktima hin *trafficking* o *smuggling*.
- § May ada 1,006 nga mga kaso hin *trafficking* hin tawo in na-ireport tikang 1993 tubtub Disyembre 2001. (Iginkukunokuno nga mas hataas pa hini an aktwal nga kaso han *trafficking* hin tawo. Kinahanglanon pa ha pagkayana hin mas matatapurang sistema hin pagkuha hin eksakto nga datos.)
- § 65% ha mga biktima in mga kababayin-an; 25% hini nga mga kababayin-an in iginsulod ha prostitusyon.
- § 53% ha mga biktima in gin-*traffick* ha Asya-Pasipiko, 25% ha *Middle East*, ngan 19% ha Europa.
- § 51% ha mga biktima in maaram o sumige nga mahisulod hira ha *trafficking* ngan 49% in gin-uwat la o ginlimbungan.
- § An insidente han *mail order marriages* in nagtitikahitaas, pero waray pa ahensya nga may kalabutan ha *mail order marriages* in nasentinsyahan na.
- § An pankalibutan nga kita hit *trafficking* hin tawo in maabot hin \$7-12 bilyones kada tuig; an *trafficking* an ikatulo nga gintitikangan hit kita hit mga sindikato, masunod la ha droga ngan armas de fuego.
- § Kun igkukumpara ha penalidad para hit *trafficking* hin droga ngan armas de fuego, an penalidad para *trafficking* hin tawo in mas magaan ha kadam-an nga nasod.
- § Kadam-an nga nabibiktima hin mga sindikato it aadto ha Europa o tipakadto ha Europa.
- § An mga kilala nga mga sindikato amo an Camorra han mga Italyano, Triads han mga Intsik, Mafia han mga Ruso, ngan Yakuza han mga Hapones.
- § An Camorra han mga Italyano in nag-*operate* ha Italia, Espanya, Alemanya, Brazil nga iba pa nga parte hit Latin Amerika.
- § Maabot hin 5,000 organisado nga grupo-kriminal in nagkokomponer han Mafia han mga Ruso, diri maubos hin 200 hini in may ada kontak o nag-*operate* ha 30 nga iba-iba nga nasod.